

Mafoko a kgotlhatso ka Michael Leburu, Tlhogo ya Lephata la Molao la Lekgotla la Bolaodi jwa Ditlhaeletsanyo mo Botswana fa a ne a abela baagi ba Xere, dikotsekara tsa ditonki, Matlhatso 22, Lwetse 2005

Mopalamente
Kgosi
Makhanselara
Badirela puso

Bagaetsho re le ba Botswana Telecommunications Authority (BTA) kgotsa Lekgotla la Bolaodi jwa Ditlhaeletsanyo mo Botswana, re ikutlwa re le motlotlo go bo re tshwaragane le Batswana ba motse wa Xere re thusa ka dikoloi tse pedi tse di tsa ditonki. Dikoloi tse di lopile **P 6 050** e le nngwe. Bobeding ja tsone di lopile **P 12 100** go akarediwa le lekgetho la dithoto la V.A.T.

E rile fa kopo ya lona e goroga kwa BTA kwa Gaborone, rene ra ipotsa gore motse wa Xere o fa kae mo mmepeng wa lefatshe la Botswana. Mme jaanong, ga go a thusega lona fela, le rona re thusegile ka jaanong re

okeditse kitso ya rona ka lefatshe la Botswana le batho ba lone. Tsholofelo ya rona rele ba BTA ke gore dikoloi tse, di tsile go nna le seabe se segolo mo go thuseng go aga motse wa Xere.

Mopalamente, Mokhanselara, Maloko a VDC le botlhe ba ba nang le seabe, re le BTA re kopa gore le gatelele gore dikoloi tse di adimanwe ka mowa o montle o Batswana re tlholegileng ka o ne. A go diriwe lenaneo le le lolameng le le tlaa supang gore di tlaa adimanwa jang. Gare eletse go utlwa ka moso gotwe di tsentse tlhatlhariane fa gare ga baagi ba motse wa Xere, bangwe ba setse ba di ikgagapelela.

Ka mafokonyana e le kalo, ra re mpho ke eo batho betsho. Re dumela fa e tlaare fa motse o go gola o nna le dikontiri, metlakase le ditlhabololo tse dingwe tse di fitlhelwang mo metseng e mogolo le mo ditoropong, go supafale gongwe gore dikotsekara go tswa mo go ba BTA

di nnile le seabe. Ba University ya Botswana bai pela ka kgomo, mme gongwe le lona motlhamongwe le ka iphitlhela le ipela ka kotsekara.

Ke a leboga ba gaetsho. Nelwang ke Pula.